



Concello de Vigo

Secretaría do Goberno Local
Expte.705 /1102

**Resolución de aprobación da
INSTRUCCIÓN 1/2020, DA SECRETARÍA DO GOBERNO LOCAL:
“PROTECCIÓN DE DATOS NOS EXPEDIENTES PARA APROBACIÓN POLA
XUNTA DE GOBERNO LOCAL”**

A aprobación do Regulamento (UE) 2016/679, Xeral de Protección de Datos (en diante, RXP), incorpora un novo modelo de gobernanza de datos para garantir a protección dos dereitos e liberdades das persoas físicas, para o que se require a adopción de medidas técnicas e organizativas apropiadas por parte dos responsables dos tratamentos, conforme a políticas internas que cumpran os principios de protección de datos dende o deseño e por defecto (*privacy by design*). Ditas medidas poden consistir, tal e como recolle o Considerando 78 RXP, en reducir ao máximo o tratamento de datos persoais, seudonimizar o antes posible os mesmos, así como en dar transparencia ás funcións e o tratamento de datos persoais, permitindo aos interesados supervisar o tratamento de datos e ao responsable do tratamento crear e mellorar elementos de seguridade.

Por outra banda, o Concello de Vigo ten unha longa e acreditada traxectoria en materia de transparencia e acceso á información pública, sendo preciso resolver, de ser o caso, as posibles tensións derivadas do conflito entre dito dereito e a protección de datos, nos termos establecidos na Lei 19/2013, do 9 de decembro, de transparencia, acceso á información pública e bo goberno, en particular, no seu artigo 15, na redacción dada ao mesmo pola Lei Orgánica 3/2018, do 5 de decembro, de Protección de Datos Persoais e Garantía dos Dereitos Dixitais.

A tal fin, resulta preciso acudir aos principios de minimización de datos e de protección de datos dende o deseño e por defecto, que incorporan á normativa de protección de datos a práctica de considerar os requisitos de privacidade dende as primeiras etapas da xestión, garantindo que os tratamentos dos datos sexan adecuados, pertinentes e limitados ao estritamente necesario en relación coas fins para as que son tratados con carácter xeral na totalidade da xestión municipal.

En particular, dito principio materialízase no artigo 25 RXP cando sinala que:

“1. Tendo en conta o estado da técnica, o coste da aplicación e a natureza, ámbito, contexto e fins do tratamento, así como os riscos de diversa probabilidade e gravidade que entraña o tratamento para os dereitos e liberdades das persoas físicas, o responsable do tratamento aplicará, tanto en o momento de determinar os medios de tratamento como en o momento do propio tratamento, medidas técnicas e organizativas apropiadas, como a seudonimización, concebidas para aplicar de forma efectiva os principios de protección de datos, como a minimización de datos, e integrar as garantías necesarias en o tratamento, a fin de cumprir os requisitos do presente Regulamento e protexer os dereitos de os interesados. 2. O responsable do tratamento aplicará as medidas técnicas e organizativas apropiadas con miras a garantir que, por defecto, solo sean objeto de tratamento os datos persoais que sean necesarios para cada uno de os fines específicos do tratamento. Esta obrigaón se aplicará a la cantidade de datos persoais recollidos, a la extensión de su tratamento, a su prazo de conservación e a su accesibilidade. Tales medidas garantirán en particular que, por defecto, los datos persoais no sean accesibles, sin la intervención de la persona, a un número indeterminado de persoas físicas. 3. Podrá utilizarse un mecanismo de certificación aprobado con arreglo al artículo 42 como elemento que acredite el cumplimiento de las obligaciones establecidas en los apartados 1 y 2 del presente artículo.”



Copia do documento - Concello de Vigo

Expediente 705/1102

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

Data impresión: 03/01/2020 10:21

Páxina 1 de 3

CSV: 29E6E5-AC4D8H-B4393A-KC3V6Z-6LYKFH-H1



Concello de Vigo

Secretaría do Goberno Local
Expte.705 /1102

As ditas garantías deben extremarse en relación coas propostas que, dende as distintas áreas e servizos se remiten para a adopción do correspondente acordo pola Xunta de Goberno Local, órgano executivo de goberno no que se residencia un núcleo importante de competencias, en aplicación da normativa sobre réxime local, polo que para manter esta cultura administrativa de transparencia, baseada na dación de contas á cidadanía e o fomento do coñecemento e participación na toma de decisións, consolidando o principio constitucional de dereito de acceso á información, debemos procurar manter uns elevados estándares de transparencia sobre os seus acordos.

Con esta instrución preténdese que, na adopción dos acordos do órgano de goberno se recollan e traten a mínima cantidade de datos posible, de tal xeito que, evitando o procesamento dos datos que non resulten necesarios para as finalidades perseguidas no tratamento, se limitan os posibles impactos na privacidade, mediante unha menor recollida de datos dos suxeitos afectados, así como mediante a utilización das técnicas de anonimización e seudonimización, sen prexuízo das solucións tecnolóxicas que se poidan adoptar, entre outras, mediante as Privacy Enhancing Technologies ou PETs (conxunto organizado e coherente de solucións TIC que reducen os riscos que afectan á privacidade, implementando as estratexias e patróns definidos anteriormente).

Polo anterior, **RESOLVO:**

Primeiro.- Aprobar a “Instrución 1/2020 da Secretaría de Goberno Local: “PROTECCIÓN DE DATOS NOS EXPEDIENTES PARA APROBACIÓN POLA XUNTA DE GOBERNO LOCAL”, anexa á presente resolución.

Segundo.- Notificar individualmente a todos os xefes de Área e de Servizo e ordenar a súa publicación na Intranet municipal para asegurar o xeral coñecemento do mesmo polo conxunto da organización municipal.

Terceiro.- Publicar a presente Instrución no Portal de Transparencia, de conformidade co establecido no artigo 7 da Lei 19/2013, do 9 de decembro, de Transparencia, Acceso á Información Pública e Bo Goberno.

**INSTRUCCIÓN 1/2020, SECRETARÍA DE GOBERNO LOCAL:
“PROTECCIÓN DE DATOS NOS EXPEDIENTES PARA APROBACIÓN POLA XUNTA DE
GOBERNO LOCAL”**

Dado o compromiso do Concello de Vigo con elevados estándares de transparencia e acceso á información nos termos establecidos na Lei 19/2013, do 19 de decembro, de Transparencia, Acceso á Información Pública e Bo Goberno, e demais normativa nacional e internacional na materia, resulta preciso considerar o posible conflito entre a transparencia e a protección de datos persoais tal e como recolle a dita norma.

A tal fin, resulta preciso acudir aos principios de minimización de datos e de protección de datos dende o deseño e por defecto, recollido no Regulamento (UE) 2016/679, Xeral de Protección de Datos e que incorporan á normativa de protección de datos a práctica de considerar os requisitos de privacidade dende as primeiras etapas da xestión, garantindo que os tratamentos dos datos



Copia do documento - Concello de Vigo

Data impresión: 03/01/2020 10:21

Páxina 2 de 3

Expediente 705/1102

CSV: 29E6E5-AC4D8H-B4393A-KC3V6Z-6LYKFH-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

Secretaría do Goberno Local
Expte.705 /1102

sexan adecuados, pertinentes e limitados ao estritamente necesario en relación coas fins para as que son tratados con carácter xeral na totalidade da xestión municipal.

Para garantir o equilibrio entre os dereitos de transparencia e acceso á información e de protección de datos persoais, seguiranse as seguintes instrucións:

Primeiro.- As propostas de acordo que, dende as diferentes áreas e servizos municipais, se remitan para a adopción de acordo pola Xunta de Goberno Local deberán garantir a debida protección de datos persoais, considerando o intenso grao de publicidade ao que están sometidos os ditos acordos, axustando a súa redacción ao principio de privacidade dende o deseño e por defecto, tal e como prescriben o Regulamento (UE) 2016/679, Xeral de Protección de Datos e a Lei Orgánica 3/2018, do 5 de decembro, de Protección de Datos Persoais e Garantía dos Dereitos Dixitais, reducindo o volume de información recopilada.

Segundo.- A tal fin as propostas de acordo que se remitan á Xunta de Goberno Local só esixirán a mínima acción de recollida e tratamento de datos posible, de modo que, evitando o procesamento de datos que non sexan necesarios para as finalidades perseguidas no tratamento¹ ou mediante a aplicación das técnicas de anonimización ou disociación², se limitan os posibles impactos na privacidade

Terceiro.- As dúbidas en relación con esta cuestión deberán resolverse mediante consulta co Delegado de Protección de Datos do Concello de Vigo e conforme ao sinalado na "Guía privacidade desde el diseño" elaborada pola Axencia Española de Protección de Datos (<https://www.aepd.es/sites/default/files/2019-11/guia-privacidad-desde-diseno.pdf>)

CCA/rvr

Data e sinatura dixital.

Vigo, data de sinatura dixital. A Secretaria do Goberno Local, M.^a Concepción Campos Acuña.

A Concelleira Delegada de Contratación, Patrimonio e Xestión Municipal, Patricia Rodríguez Calviño

1 Por exemplo, no caso do dato nome e apelidos, substituíndo o dito dato por referencias que non permitan a súa identificación, como as iniciais, ou a combinación numérica que se axuste á orientación para a aplicación provisional da Disposición Adicional Sétima LOPDGDD (dispoñible en: <https://www.aepd.es/sites/default/files/2019-09/orientaciones-da7.pdf>)

2 A tal fin poden seguirse as orientacións dictadas pola Axencia Española de Protección de Datos na guía elaborada sobre a dita cuestión, dispoñible en: <https://www.aepd.es/sites/default/files/2019-09/guia-orientaciones-procedimientos-anonimizacion.pdf>

